

ერთის მხრივ სს „ტუბერკულოზისა და ფილტვის დავადებათა ეროვნული ცენტრი“ (შემდგომში „შემსყიდველი“), წარმოდგენილი მისი დირექტორის მოვალეობის შემსრულებლის მამუკა გელოვანის სახით და მეორეს მხრივ, შპს „მანტა სისტემის“ (შემდგომში „მიმწოდებელი“) წარმოდგენილი მისი დირექტორის მაია შალამბერიძის სახით, „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების შესყიდვის ობიექტი

1.1. ხელშეკრულების შესყიდვის ობიექტი: CPV 39700000 - საოჯახო ტექნიკა, 39714000 - სავენტილაციო ან გამწოვი კარადები (შემდგომში „საქონელი“). შესყიდვის ობიექტის დასახელება, რაოდენობა და ყველა სხვა ტექნიკური მახასიათებელი მოცემულია ფასების ცხრილში (დანართი №1) და წარმოადგენს ხელშეკრულების განუყოფელ ნაწილს.

2. ხელშეკრულების საფუძველი

2.1. „სახელმწიფო შესყიდვების შესახებ“ საქართველოს კანონი.

2.2. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანება.

3. ხელშეკრულების ღირებულება

3.1. ხელშეკრულების ღირებულება შეადგენს 10989 (ათი ათას ცხრაას ოთხმოცდაცხრა) ლარს.

4. ხელშეკრულების კონტროლი

4.1. ხელშეკრულების შესრულების კონტროლს განახორციელებს – „შემსყიდველის“ სახელმწიფო შესყიდვების ხელშეკრულებების შესრულების კონტროლის ჯგუფი, რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

4.2. ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

5. შესყიდვის ობიექტის ხარისხი

5.1. „საქონლის“ უხარისხობის შემთხვევაში „შემსყიდველი“ წერილობით ან სხვა კომუნიკაციის საშუალებით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით. ასევე ნაკლის აღმოფხვრა უნდა განხორციელდეს „მიმწოდებლის“ მხრიდან გონივრულ ვადაში, მაგრამ არაუგვიანეს 5 დღისა. აღნიშნული ვადის დარღვევის შემთხვევაში „მიმწოდებელზე“ გავრცელდება მე-11 მუხლით გათვალისწინებული პირობები.

5.2. მიწოდებულ საქონელზე სწორი ექსპლოატაციის პირობებში ვრცელდება გარანტია არანაკლებ 1 წელი. აღნიშნულ პერიოდში საქონლის დაზიანების შემთხვევაში, მიმწოდებელი ვალდებულია უზრუნველყოს ნაკლის აღმოფხვრა დაუყოვნებლივ/უმოკლეს ვადაში საკუთარი ხარჯებით, ხოლო აღნიშნულის შეუძლებლობის შემთხვევაში უზრუნველყოს ახლით შეცვლა.

5.3. „საქონელი“ უნდა იყოს ახალი, ხარისხიანი და არ ავლენდეს დეფექტებს.

6. შესყიდვის ობიექტის მიწოდების პირობები, ადგილი და ვადები

6.1. „საქონლის“ მიწოდება უნდა განხორციელდეს ხელშეკრულების გაფორმებიდან 3 თვის ვადაში.

6.2. „საქონლის“ მიწოდების ადგილი: ქ. თბილისი, აჭარის ქ. №8, სს „ტუბერკულოზისა და ფილტვის დავადებათა ეროვნული ცენტრი“.

7. შესყიდვის ობიექტის მიღება-ჩაბარების წესი

7.1. „საქონლის“ მიწოდების დასრულების შემდგომ ხდება სასაქონლო ზედნადების წარმოდგენა და ფორმდება მიღება-ჩაბარების აქტი 6.2 პუნქტში მითითებულ მისამართზე. აღნიშნული დოკუმენტების გაფორმებამდე ყველა ქონებრივი უფლება საქონელზე ეკუთვნის მიმწოდებელს.

7.2. მიღება-ჩაბარების წინ განხორციელდება მიწოდებული „საქონლის“ საბოლოო შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.

7.3. მიღება-ჩაბარების აქტებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.

7.4. შესყიდვის ობიექტის მიღება-ჩაბარებისას მიმწოდებელმა, უნდა წარმოადგინოს სასაქონლო ზედნადები-მიწოდებული „საქონლის“ დასახელების, რაოდენობის, ერთეულის ფასის და საერთო ღირებულების მითითებით.

7.5. „მიმწოდებელმა“ უნდა უზრუნველყოს „შემსყიდველისათვის“ 7.4. პუნქტში მითითებული დოკუმენტაციის წარდგენა „საქონლის“ დანიშნულების ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება „მიმწოდებელს“.

7.6. „საქონლის“ მიღების დროს გამოვლენილი დეფექტისა და ნაკლის აღმოფხვრას/გამოცვლას საკუთარი ხარჯებით, უზრუნველყოფს „მიმწოდებელი“.

7.7. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „საქონლის“ უხარისხობა, იგი წერილობით ან სიტყვიერად აცნობებს „მიმწოდებელს“ წუნდების მიზეზების მითითებით და მოითხოვს სათანადო ხარისხს.

8. ანგარიშსწორების წესი, ფორმა და ვადები

8.1. ანგარიშსწორების ფორმა იქნება: უნაღდო ანგარიშსწორება ეროვნულ ვალუტაში - ლარში, მიმწოდებლის საბანკო ანგარიშზე. საბოლოო ანგარიშსწორება განხორციელდება ხელშეკრულების ღირებულების შესაბამისი ან ნახევარი ოდენობის საავანსო გარანტიის წარმოდგენის შემდეგ, 10 დღის ვადაში.

8.2. დაფინანსების წყარო - 2021 წლის საკუთარი შემოსავლები, 5%-იანი ინიციატივის პროექტი „სამოქალაქო და პენიტენციურ სექტორში მულტირეზისტენტული და ზემდგრადად რეზისტენტული ტუბერკულოზის დიაგნოსტიკური და კლინიკური მართვისათვის საჭირო პოტენციალის განვითარება საქართველოში ახალი ანტიტუბერკულოზური მედიკამენტების დანერგვისა და მულტირეზისტენტული და ზემდგრადად რეზისტენტული ტუბერკულოზის ტრანსმისიის ზედამხედველობის კონტექსტში“.

8.3. ხელშეკრულება ითვალისწინებს წინასწარ ანგარიშსწორებას. მიმწოდებელი ვალდებულია, შემსყიდველ ორგანიზაციას წარუდგინოს წინასწარ გადასახდელი თანხის იდენტური ოდენობის უპირობო და გამოუთხოვადი საავანსო გარანტია, არაუგვიანეს 2021 წლის 10 სექტემბრისა, რომელიც გაცემული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში. საბანკო გარანტიის მოქმედების ვადა სულ მცირე ერთი თვით უნდა აღემატებოდეს ხელშეკრულების მოქმედების ვადას.

8.4. გარანტიაში მითითებული უნდა იყოს სახელმწიფო შესყიდვების ერთიან ელექტრონულ სისტემაში განთავსებული სატენდერო განცხადების ნომერი და პრეტენდენტის საიდენტიფიკაციო კოდი.

8.5. საავანსო გარანტიის პირობები უნდა მოიცავდეს ხელშეკრულებით ნაკისრი ვალდებულებების შეუსრულებლობის შემთხვევაში „შემსყიდველის“ მიერ წერილობითი შეტყობინების საფუძველზე გარანტიით გათვალისწინებული თანხის სრულად და უპირობო დაბრუნებას. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველის მოთხოვნის/წერილობითი შეტყობინების გაგზავნიდან 5 სამუშაო დღის ვადაში გარანტი ვალდებულია მოახდინოს თანხის ჩარიცხვა ცენტრის ანგარიშზე, სხვა რაიმე დამატებითი ახსნა-განმარტებების ან დოკუმენტაციის წარდგენის გარეშე.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.2. დროულად შეასრულოს ხელშეკრულებით ნაკისრი ყველა ვალდებულებანი.

9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისაგან“ ხელშეკრულების ყველა პუნქტის უცლილებელი შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4. „მიმწოდებელი“ უფლებამოსილია:

9.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა (დაუძლეველი ძალა ფორს-მაჟორული სიტუაციები რეგულირდება ან ხელშეკრულებითა და საქართველოს კანონმდებლობით).

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

10. მხარეთა პასუხისმგებლობა ხელშეკრულების პირობების დარღვევისათვის

10.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

10.3. „მიმწოდებლის“ პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მარტო მისაწოდებელი „საქონლის“ ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელია ხელშეკრულების პირობების შესრულებისათვის.

10.4. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა, გამოიწვევს საჯარიმო სანქციების გამოყენებას, რომელიც მოცემულია მე-11 მუხლში.

10.5. ხელშეკრულების მთლიანი ან ნაწილობრივი შეწყვეტა მხარეთა მიერ წერილობით შეტყობინების გარეშე და ამ შეტყობინებაზე

წერილობითი პასუხის მიღების გარეშე დაუშვებელია.

10.6. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

10.7. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ გაგზავნილი ვალდებულებების შეუსრულებლობის შესახებ წერილობითი შეტყობინების შემდეგ, სხვა რაიმე დამატებითი ახსნა განმარტებების გარეშე:

10.7.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“.

10.7.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

10.8. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

10.9. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:

10.9.1. თუ ხელშეკრულების შესრულების გაგრძელება მიზანშეწონილია „შემსყიდველის“ ფინანსური ინტერესებიდან გამომდინარე.

10.9.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.9.3. „მიმწოდებლის“ გაკოტრების შემთხვევაში.

10.10. წინამდებარე ხელშეკრულების 10.7. და 10.9 პუნქტებით გათვალისწინებულ შემთხვევებში შემსყიდველი აუნაზღაურებს მიმწოდებელს ფაქტიურად მიწოდებული საქონლის ღირებულებას.

11. პირგასამტეხლო

11.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით;

11.2. ხელშეკრულების პირობების შეუსრულებლობის ან ნაწილობრივ შესრულების შემთხვევაში, „მიმწოდებელს“ ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;

11.3. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების ღირებულების 0.02%-ის ოდენობით ყოველ ვადაგადაცილებულ დღეზე;

11.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

11.5. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

11.6. მომწოდებელი ვალდებულია იღებს უზრუნველყოფს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში ან გამოკლებული იქნას „შემსყიდველის“ მიერ ანგარიშშორების პერიოდისათვის ასეთი არსებობის შემთხვევაში.

12. დაუძლეველი ძალის მოქმედება

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

12.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან მხარეებისათვის მისაღები სხვა ფორმით.

13. სადავო საკითხების გადაწყვეტა

13.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოავარდონ მოლაპარაკების წესით.

13.2. თუ „შემსყიდველი“ და „მიმწოდებელი“ ვერ შეძლებენ სადავო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

14. გამოსაყენებელი სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ფაქსის ან ელ. წერილის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დამატებითი შეთანხმების სახით, რომელიც წარმოადგენს ხელშეკრულების განუყოფელ ნაწილს.
17.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.
17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით განსაზღვრული შემთხვევებისა.
17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხობინებენ ერთმანეთს და იღებენ ერთობლივ გადაწყვეტილებას.

18. ხელშეკრულების მოქმედების ვადა

18.1. ხელშეკრულება ძალაში შედის გაფორმებიდან და მოქმედებს 2022 წლის 31 იანვრის ჩათვლით.
18.2. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
18.3. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

19.1. ხელშეკრულება ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით ან/და კვალიფიციური ელექტრონული შტამპით, რომელიც ინახება ხელმომწერ მხარეებთან და გააჩნიათ თანაბარი იურიდიული ძალა.

20. მხარეთა რეკვიზიტები

„შემსყიდველი“

სს „ტუბერკულოზისა და ფილტვის დაავადებათა
ეროვნული ცენტრი“
იურიდიული მისამართი: ქ.თბილისი, აჭარის ქ. #8
საიდენტიფიკაციო კოდი: 202172139
ბანკი: სს „თიბისი ბანკი“-ს ც/ვ
ბანკის კოდი: TBCBGE22
ანგარიშის №GE88TB0600000035467994

დირექტორის მ. შ.

მამუკა გელოვანი

„მიმწოდებელი“

შპს „მანტა სისტემსი“

იურიდიული მისამართი: ქ. თბილისი,
ნუცუბიდის I მ/რ, კორპ. 16, ბ. 17
საიდენტიფიკაციო კოდი: 205186092
ბანკი: სს „თიბისი ბანკი“
ბანკის კოდი: TBCBGE22
ანგარიშის № GE21TB 0634 4360 2010 0001

დირექტორი

მაია შალამბერიძე

დ. გულიაშვილი

ა. ჩოხელი

გ. გურჯიძე

შპს "მანტა სისტემსი"

ფასების ცხრილი

#	შესყიდვის ობიექტის დასახელება	სპეციფიკაციები	განზ	რ- ბა	წარმოშობის ქვეყანა	მწარმოებ ელი	მოდელი ან/და ბმული	ერთ. ფასი	საერთო ღირ-ბა
1	2	3	4	5	6	7	8	9	10
1	Fume hood /გამწოვი	✓ პოტენციურად საშიში აეროზოლების შთანთქმისთვის, ✓ შიდა კაბინის ზომა 116x65x97 სმ, ✓ ჰაერის გაწოვის მოცულობა 1080 m³; ✓ დამზადებული მჟავა და წყლის ორთქლისადმი მდგრადი მასალისგან; ✓ შიდა კაბინის ფლუორესცენტური ნათურით განათება, რომელზეც არ მოქმედებს ქიმიური ორთქლები	ცალი	1	თურქეთი	Mikrotest Laboratuvar Cihazlari Makine Imalat Gida Ahsap Urunleri San. ve Tic. Ltd. Sti	MCO120 https://www.mikrotestcihazlari.com/en/laboratory-devices/fume-cupboard	10989	10989

სატენდერო წინადადების ფასია: **10 989** (ათიათას ცხრაათხმოცდაცხრა) ლარი და **00** თეთრი

გარანტია: 1 წელი მიღება-ჩაბარების აქტის გაფორმების დღიდან.

საქონელი არის ახალი.

ფასები მოცემულია დღგ-ს ჩათვლით, ვინაიდან ჩვენი კომპანია დღგ-ს გადამხდელია.

საქონლის მიწოდების ადგილი: ქ. თბილისი, აჭარის ქ. №8, სს ტუბერკულოზისა და ფილტვის დაავადებათა ეროვნული ცენტრი.

საქონლის მიწოდების ვადა: ხელშეკრულების გაფორმებიდან 3 (სამი) თვის განმავლობაში.

ანგარიშსწორება: წინასწარი ანგარიშსწორება 100%-ის ოდენობით (გთხოვთ გაითვალისწინოთ, რომ ჩვენ ვართ "თეთრ სიაში").

ა. ბარნაველი

პროექტ მენეჯერი

შპს „მანტა სისტემსი“



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080118894096721

№ 1798

03 / ივნისი / 2021 წ.

შპს „მანტა სისტემის“ თეთრ სიაში რეგისტრაციის ვადის გაგრძელების შესახებ

სახელმწიფო შესყიდვების სააგენტოში 2021 წლის 19 მაისს წარმოდგენილ იქნა შპს „მანტა სისტემის“ (ს/ნ: 205186092) 2021 წლის 19 მაისის № 21-05-19 მომართვა (რეგისტრაციის № 4027), რომლითაც მიმწოდებელმა მოითხოვა თეთრ სიაში რეგისტრაციის ვადის გაგრძელება. 2021 წლის 31 მაისს შპს „მანტა სისტემის“ წარმოადგინა 2021 წლის 31 მაისის № 21-05-31 დაბუსტებული მომართვა (რეგისტრაციის № 4301), რომლითაც მიმწოდებელმა გამოასწორა მის მომართვაზე სააგენტოს 2021 წლის 31 მაისის № 1797 წერილით დადგენილი ხარვეზი.

სააგენტომ განიხილა მიმწოდებლის მომართვა და დაბუსტებული მომართვა თანდართული დოკუმენტაციით და მიიჩნევს, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2016 წლის 26 თებერვლის № 2 ბრძანებით დამტკიცებული „თეთრი სიის წარმოების წესისა და პირობების“ მე-3, მე-4 და მე-7 მუხლებით განსაზღვრულ მოთხოვნებს.

დადგენილია, რომ შპს „მანტა სისტემის“ (ს/ნ: 205186092) თეთრ სიაში რეგისტრაციის ვადა იწურება 2021 წლის 9 ივლისს. აქედან გამომდინარე, სახელმწიფო შესყიდვების სააგენტოს თავმჯდომარის 2016 წლის 26 თებერვლის № 2 ბრძანებით დამტკიცებული „თეთრი სიის წარმოების წესისა და პირობების“ მე-6 და მე-7 მუხლების შესაბამისად:

1. შპს „მანტა სისტემის“ (ს/ნ: 205186092) 2021 წლის 10 ივლისიდან გაუგრძელდეს თეთრ სიაში რეგისტრაციის ვადა.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, № 64), კანონმდებლობით დადგენილი წესით.

თავმჯდომარე

ხელმოწერა/ 
შტამპდასმულია
ელექტრონულად

ლევან რაზმაძე